

HAUTAGAIEKIN HIZKETAN

«Euskadik jasan dituen karlismoaren
aztarna nagusiak ezabatu behar dira»


FELIX IRIARTE / GASTEIZ

EGUNKARIA.— Hauteskundeak aurreratzea ondo datorkio PSE-EEri, ala nahiago zenuen geroago, urrian esaterako, egitea?

ONAINDIA.— Hasieran uste genuen kaltegarriak izango zirela guretzat, baina orain kontrakoa pentsatzen hasia naiz. Hala ere alderdi barruan koherentzia handiagoa behar dugula uste dut, benetan elkarlanean aritzea alegia. Gauzak azkar joan dira, Felipe Gonzalezek ez du gehiengo lortuko, eta egoera horretan EAJrekin akordioa beharrezkoa bada, gauzak asko aldatuko dira hemen, eta sortuko den egoera berri hori onuragarria izango da ezkerrentzat. Orain arte estatu logikak agindu du gehienbat eta ez da erraza izan bi interes hauek ezkontzea, Gobernuarena eta hemengo, are gehiago ETaren arazoa tartean izanik. EAJrekin akordioak eginez gero gauzak erraztuko dira, eta Euskadiko Ezkerraren betiko ideiek beste bultzada bat emango die.

EGUNKARIA.— Zertarako EAJrekin akordioak?

ONAINDIA.— Azkenean akordioa gauzatzen bada, autonomiaren prozesua amaitzeko izango da. Amaitzeko eta amaitu dela onar dezaten. Gauzak komenigarritasunaren arabera planteatu behar ditugu, ez printzipioen munduan. Maiz printzipioak defenditzen ditugu, eta uste



Hauteskunde osterako egoera berria iragarri du Onaindiak.

J. OLALDE

EAJrekin akordioa egiten badugu autonomiaren prozesua bukatzeko eta bukatu dela onar dezaten izango da.

dut alderantziz egin behar dela.

EGUNKARIA.— Indarkeriaren amaierako ere EAJ lotuta izatea garrantzitsua izango da. Ez da horrela?

ONAINDIA.— Bai indarkeriaren arazoa legegintzaldi honetan konpondu behar dugu, eta dudarik gabe, elkarrizketaren bidez egin behar dugu. Gainera posible ikusten dut horrela egitea. Ajuria Eneko Hitzarmenak horrela aurreratu du indarkeriaren amaiera.

EGUNKARIA.— Zein litzateke elkarrizketen prozesua?

ONAINDIA.— Euskal Herriak

Indarkeria elkarrizketaren bidez konpondu behar dugu, dudarik gabe, eta gainera posible dela uste dut.

«Asko dago jokoan»

F.I. / GASTEIZ

Espainiak gobernuburu du jokoan hauteskunde hauetan. Baina Euskadiren etorkizuna ere jokoan dagoela uste du Mario Onaindiak. «Euskadirentzat ez da berdina izango Felipe Gonzalez edo Jose Maria Aznar gobernuburu izatea», dio zalantza izpirik gabe.

Aldaketaren aldaketa egiteko ezinbestekotzat jo du kritikoa izatea, eta lehendabizikoa etxekoentzako da: «Felipe Gonzalez autonomien inguruan egiten zaizkion kritiken artean uste dut % 90 zuzenak direla». Haatik, hamar urteotan aurrerapausoak ere izan direla aitortzea zilegitzat jo du.

Eta PSOEren ordezkari PP egon balitz? «Orduan ez», erantzun eta berehala arrazoitu du: «AP Konstituzioaren kontra azaldu zen nazionalitate konzeptua agertzen zelako, eta gero Fraga Iribarren esan zuen ikurrina onartu aurretik bere gorpuaren gainetik pasatu beharko zela. Eta

horrela izan da, ikurrina eta Euskadi hitza duela hiru urte onartu baitzuten, eta autonomia duela hamar urtekoa da dagoeneko». «Hamar urte legalitatera egokitzeko», azpimarratu du.

Iraganak geroa iragartzen du, eta horregatik, Onaindiak gero iluna ikusten du Aznar eta haren kideekin. Baliteke hori izatea jeltzaleen adierazpenak ez ulertzeko arrazoiak. Kexu da Xabier Arzalluzek eta Jose Antonio Ardanazek agertu duten «anbigutasunarengatik»: «Madrilen bata zein bestea egotea berdin dela esatea lelokeria da».


IRTENBIDEA EMATEKO GARAIA

Autonomia eta transferentziak daude, beraz, jokoan Onaindiaren esanetan. Sozialistek transferentzien prozesua legegintzaldi honetan bukatzea agindu dute, eta PPko balizko gobernarekin EAEko autonomiak aurrera egin beharrean atzera egingo luke Onaindiaren ustetan, Arzalluzek Aznarrekin hitzartutakoa hark beteko lukeela

jasan dituen karlismoaren aztarna nagusiak ezabatu behar dira. Orain arte Ajuria Eneko Itunaren lehen zatia bete dugu, hau da, gizartea indarkeriaren aurka argiro jarri da, biolentzia ia desagertu egin da eta orain elkarrizketaren garaia iritsi da. Elkarrizketaren prozesua? Bada ikusi beharko da. Esaterako LAB sindikatua sartu den dinamika positiboa da, oso positiboa. Hor aldaketa bat ikusten da, eta gainera planteatu dituen eskaerak onuragarriak dira, ikusi egin beharko da noraino hel daitekeen hortik. Gero garrantzitsua izango da sindikatu eta alderdi guztiek parte hartzea prozesu horretan, ez dadila alderdi baten eta beste baten arteko akordioa. Komenigarria litzateke akordio zabala lortzea. Egoera guztiz interesgarria da, prozesua guztiz berria litzatekeelako. Gainera gauza batzuk geldituta egon dira, eta orain gauza berriak ikusten ari gara.

EGUNKARIA.— Garzon epailea hor jartzea ere arazoari benetako irtenbidea emateko saio modura uler daiteke?

ONAINDIA.— Ni bat nator komunikabideetan ildo horretatik agertu diren informazioekin. Uste dut Felipe Gonzalezek bi gauza egin nahi dituela Garzon hor jartzean. Batetik badago Espainia beltza hori, eta PPk lotura estuak ditu horrekin. Horren kontra prestigiozko pertsona jarri du PPren asmoak neutralizatzeko. Bestetik, Garzon badator ez da aurreko politika bera egiteko, ez. Garzonek orain arteko keriei buru egingo die. Garzon arazo berri hauei aurre egiteko nahi du Gonzalezek, eta hortik ikusi beharko genuke indarkeriaren arazoa ere.



Onaindia Felipe Gonzalezen defenditzaile sutsua da.

OLALDE